



La Val passa le rode de Copa Provinzia cuntra le Dietenheim mo mëss ti lascé i trêi punc de campionat.

L'ultima edema é la squadra dl Dietenheim rovada dui iadi a La Val, le mercui sêra por la Copa Provinzia y la domënia por la terza de campionat. Do avêi batü i pustri al'andata de Copa Provinzia por 2 a 0 ti á basté ai ladins a tigní le pêr de 1 a 1 por passé le rode. Plö mal era jüda la domënia de campionat, ulach La Val ne purdüj nia plö a recuperé le svantaje dô na puniziun de prezijiun de Mair dl Dietenheim.

Trames scuaadres ne á nia pité n bel jüch, le palê nia gestí dërt y scialdi por aria ne dëida nia a costruì aziuns concretes. Al 15^a vëgn Alex E. delizié cun na crossada alta, al pro la trata al jore cuntra porta mo le curan tol n'atra direziun y rōia dlungia porta ia. Ala mesora é i sogadus dals perts dl Dietenheim che fej tramuré le mūr ladin, ai ti sciampa plö gonot ala defensciun y rōia al preparatif por i cumpagns amez. Nia da dī por la direziun dla partida da pert dl'arbitr jonn, a ezeziun dl jüch tröc iadi architè inutilmënter. Dan le sciür dl pröm tēmp se fej lerch Alex al limit y vega na trata debla te porta, le verdaporta ne mëss nia se sposté a tignì sö le palê.

Le pröm temp se stlùj jö sön le resultat de 0 a 0

I padruns de ciasa scomëncia le secundo tēmp cun l'intenziun de sblochέ atira le resultat. Bel plan vėgn le curan tigní a tera y aziuns gareta, ruvé a contlujiun indere ne ó nia ciamó ester. Sön n bun momēnt por La Val conzed l'arbiter na puniziun al limit dl'area ladina por n constrat sön l'atacant avversar. A se prejenté al limit é le sogadú Mair Thomas che musüra bun la trata y indirizēia le palê sura le mür fora avisa tl'incrujiada de porta. Le Dietenheim se porta insciö in vantaje y por La Val se mëtera mal. Le alenadú Floriani fej val variaziun al modul de jüch, l'inserimēnt de n atacant inplö fej pié ia na presciun nia da püch dla squadra. Al 75[^] é Max che vėgn sorvì sön la pert ciampa, al se chir le trú plö cürt cuntra porta y vega la trata de ciamp, chēsta ti fej le pulan al pé de porta. Le palé vegn scialdi trat ia y ca al limit de area avversara, mo ne ó nia ruvé te rēi. Cun vigni meso pro La Val ciamó i ultims menüc a avalié le resultat, mo mëss zede al sciür dla fin.

La Val - Dietenheim: 0-1

Formaziun La Val: 1. Sepl Kantioler, 2. Werner Sottara, 3. Marco Castlunger, 4. Paolo Vallazza, 5. David Moling, 6. Freddy Sottara, 7. Max Nagler, 8. Stefan Sottara - capitan, 9. Adrian Miribung (dal 65[^] Franz Tolpeit), 10. Alex Elzenbaumer, 11. Alexander Miribung (dal 75[^] Christian Dapoz)

Proscima partida: in sabeda süga La Val süa quarta partida de campionat a Percha dales 16:00 cuntra la squadra de ciasa

Insëra, mercuri ai 23 de aurì él gnü sughé l'andata dla semifinala de Copa Provincia cuntra la squadra da Ritten, che süga le campionat trê te 3 categoria mo te n ater girone. La squadra da La Val à incuntè na squadra sterscia, che à lascè udèi sües cualitês portan a ciasa la devènta por 2 a 0. Ai 7 de mà gnaral sughé le ritorno sön le ciamp dl Ritten.